

人物志

忠義

謝董諸志載忠義凡十四人以馮祥興為首終之以雷濟蕭庾張志採各縣志增益得五十有三人而改濟庾於武略祥興則雩之象湖鎮人鎮地唐天祐時改瑞金監南唐又改監為縣則今應歸之瑞金人也茲載忠義比前志加倍至於丙戌之變黃沙之戰黎都之圍死事尤多并書之以為忠義勸志忠義

宋 陳子敬 鍾紹安 周泰真弟泰附 鍾克俊

元 黃學文

贛州府志

卷三十二 忠義

明 陳復原 丁崇 林濬 湯宗 楊伯容

金隆顯 廖思潤 謝明睿 李大綸 鍾廸海

邱紳 蕭祺 陳受 謝碧 廖珮

王鳳吉 郭滿兒 廖天秩 李瓊明 許苑

李田 李蕙春 鍾通鳴 盧觀象 謝讚

月世光 吳維芳 徐棠 劉曰佺 賴士奇

謝明登 孫經世 聶邦晟 董纘卿 馮復京

郭其昌 王純 楊萬言 吳時珍 莊曰敬

趙光裕 張大誥 余學義 陽麗天 謝明登

郭子魁 郭以和 金之杰 陳君猷 劉思光

蕭廷上 謝武烈 鍾昌明 曾聯甲 廖任龍

國朝劉震 王仲錫 高崇隆 廖仁體 廖元耀

王承語 葉啟鳳 謝朝賓 曾汝宮 葉茂然

曾世璋 廖乾彝 趙伯奎 徐養茂 謝賜亨

李時我 謝賜廩 謝竑 許蘭吉 來盛

靳養蒙 范魏卿 余國祥 羅肇楨 許朝佐

陳巍崑 徐之享 王耀乾 凌日章

宋

陳子敬贛縣人嘗受學於文天祥天祥開闢汀州子敬招

集義兵屯皂口據下流以遏北船往來及空坑兵敗復

聚兵黃□□□寨元以重兵襲之衆潰不知所終贛縣

志

贛州府志

卷三十二 忠義

二

鍾紹安興國人嘉靖戊戌進士銓分宜主簿遷上杭令宋

末從文天祥起義勤王死祀鄉賢興國志

周泰真泰滿俱贛縣人周子十世孫德祐間元帥日昫勤

王詔至贛守文天祥捧詔涕泣使幕下士寧都陳繼周

召號郡中豪傑以義激發士衆泰真以資雄鄉里遂盡

散家財召募義兵同弟泰滿詣軍門授泰真爲秉義郎

遂從尹玉等至江上尹玉等先禦敵兵敗戰死詔命天

祥北使泰真罷歸景炎元年六月天祥開督闔於興國

泰真兄弟復集義徒往從時元兵猝至戰於方石嶺泰

滿遇害泰真脫身歸遁跡山林二十餘年卒贛縣志

鍾克俊龍南人伸孫宋季補國學上舍生聞三宮北還糾

集義旅勤王知勢不可爲登馬祖巖遙望中原白雲渺
瀾翠華不可復見悲歌激烈聞者流涕已而痛憤誓不
食元粟賊詩一章有自許有身埋漢土終憐無淚哭秦
廷之句遂赴龍頭江死

張志

元

黃學文信豐人由薦辟至正八年任荊州石首縣尹十一
年冬十月徐壽輝陷安陸沔荊等路學文孤城據守城
陷不屈死舉家被害雍正四年題入忠義祠

張志

明

陳復原本姓李雱都人洪武二十八年任廣西平南主簿
陞本縣丞值徭寇掠鄉廂復原帥兵迎敵戰於蛇黃岡

贛州府志

卷三十二

忠義

三

躍馬直入賊陣斬首十餘級賊衆披靡後中毒矢斃二
勇士奔救之亦被刺死城中憤甚悉衆出戰賊乃敗走
邑人立廟祀之以二勇士配享

張志

丁崇字志堅安遠選貢宣德間任雲南富明知縣莅官四
載廉能著績值交趾寇亂奉命統征屢敗寇卒於軍

安遠志

志

林濬其先分宜人祖安宦信豐遂籍焉濬襲父斌職爲副
千戶勇敢有略正統十三年閩寇逼石城主將令濬往
禦濬疾馳至堅城固守賊來益衆救援不至城陷力戰

死

信豐志

湯宗贛縣人建文時爲北平按察僉事上言按察使陳瑛

密受燕王金錢有異謀逮瑛謫廣西靖難後召瑛還爲都御史窮治建文諸臣多坐夸滅恨宗尤甚捕至族誅

志張

楊伯容龍南人正統十三年廣寇蔡妙光率賊攻縣治伯容與劉興鄭崇德徐龍等四人倡義集兵擒斬賊首以獻復攻其黨遂平之事聞授伯容等安遠大墩板石各處巡檢伯容銳志捍衛竟沒於敵巡撫監司遣官致祭

志張

金隆顯會昌人宏治八年乙卯流寇入境以義民殺賊死

於陣蔭其子潤爲石山驛丞

志會昌

廖思潤龍南人驍勇過人督撫金澤置之麾下宏治乙卯

贛州府志

卷三十二 忠義

四

冬廣寇將陷城思潤率子弟兵敗走之追至車埠馬陷

遇害妻李氏見烈婦傳

志張

謝明睿會昌人宏治八年流賊入境與金隆顯同戰死於陣並蔭其子

李大綸龍南人正德元年廣寇入境力戰而死兵憲陳恪祭以文曰率兵拒敵取義成仁衆皆縮首汝獨捐身是用急於褒死要亦因以勸生乃勞卹其家

志張

鍾迪海興國人爲縣筦庫吏正德五年流賊入城將劫庫藏迪海先匿之賊至無所得執迪海榜掠百端終不言

賊怒立斬之

志興國

蔡鍾有曰仗節死義之臣代不數見求之胥吏之微

抑尤難□正德之變署縣者脫身遁以城委賊賴廸海而國帑獲全後四十年嘉靖辛酉寇禍公私靡有子遺豈非風聲不樹而人不知死義之所致即書此爲之三嘆

邱紳安遠人正德間貢授睢寧簿值流賊劉六劉七攻城督兵捍敵身被七鎗死之事聞贈知縣長子鳳來領鄉舉蔭次子鳳階國學生張志

蕭祺龍南人歲貢族貧有鬻子者捐資贖還流賊臨城祺諭退之當赴選寇復亂督撫周某檄留祺撫諭適訛傳官兵至賊縛刃其左臂祺毅然不動竟死後無兵至賊向尸哭拜誓不復叛院道遣官致祭以忠義表之復其

贛州府志

卷三十二 忠義

五

家張志

陳受龍南人奉命禦廣寇率子弟血戰死軍門遣官祭慰其子文玖憤父仇隨征有功嘉靖六年巡撫陶疏其忠勇授下歷司巡檢後追賊陣亡張志

謝碧龍南人後隸定南嘉靖二十三年龍南大饑碧出穀五百石備賑縣令鄭翕申給義民冠帶二十七年岑賊李鑑入寇碧集鄉兵禦之男允椿允楠奮戰被殺續奉軍門檄率衆直衝其巢斬俘衆多大獲功賞鑑懷仇招納亡叛越二年突圍碧家碧與戰被殺屬族死者三百餘人碧妻羅氏被擄死節見貞節傳張志

廖珮龍南人後隸定南嘉靖二十七年李鑑出劫珮與謝

碧合兵□之多有斬獲乘勝追至賊巢被圍見殺志張

王鳳吉龍南人後隸定南嘉靖三十六年巢寇叛逼降不

從去之龍南後奉軍門檄入賊境招其脅從者賊搏之

罵賊而死志張

郭滿兒龍南人郭明周義子嘉靖三十六年廣寇掠境獲

明周欲殺之滿兒大呼曰留我主寧殺我賊脅以刃無

懼色竟殺之釋明周志張

廖天秩龍南人後隸定南嘉靖三十六年寇亂其父績密

狀於官寇聞之擄天秩脅之使從天秩厲聲罵賊而死

定南志

李瓊明會昌人崇正元年流賊犯境瓊殺賊數十人鏖戰

贛州府志

卷三十二 忠義

六

而死知縣甘雨申聞旌表志張

許苑龍南諸生崇正五年賊首鍾三石掠縣境苑統鄉勇

禦之被擒賊斷其手足罵不絕口而死志張

李田字見龍興國人以貢授泰和教諭遷廣東長樂知縣

有土賊爲害前令不能滅田至密請進勦奸民洩其事

賊即發兵攻城城破田被執曰寧殺我無及我赤子田

有僕願代死賊不聽而殺田田刺血題詩云有生皆有

死身死何足惜只爲一卷書何堪萬人敵體虧親受辱

名殞節自植寄語千秋史爲予洗心迹田在官刻意撫

循百姓愛戴倉猝中爭負其家人避匿共勦歸資興國志

□惠春雩都諸生善騎射嘗以氣節自許崇正末年粵賊

閩王統衆十餘萬寇贛蕙春團練鄉勇爲固圍倡甲申
十月賊至馬嶺塘村蕙春率衆禦之賊分隊圍合蕙春
揮刀突入其陣斬紅白旗總二人賊稍却復悉衆來攻
鄉勇僅二百餘人奮呼殺賊以衆寡不敵遂殲焉都御
史林一柱飭縣建祠以祀之張志
鍾通鳴定南人岑賊李文彪劫掠本堡鳴通統十餘人與
賊鬪文彪遁去追至院逕山馬蹕爲賊所殺張志

盧觀象字子占贛縣人萬歷丁酉選貢授河間府通判天
啟元年上屯政條議陞同知左光斗巡撫南畿議復司
農汪應蛟所創屯政論者以濱海斥鹵旱澇不時勞不
償費觀象力贊之條陳九議鑿鑿可施設張慎言代爲

贛州府志

卷三十二 忠義

七

巡撫嘉其才力薦之值璫勢熾遂引退時丙戌城破觀
象語老友月世光曰吾池止水與君共盟乃具衣冠北
向拜泣率其子芄妻妾家口四十餘人先赴池隨從容
與世光相揖握手而没贛縣志

謝讚號謙吾詔母弟贛縣人天啟三年以明經任南康教
授擢陞馬平令不赴歸林下十餘年贛城潰與子允繡
姪允斗具衣冠拜哭闔室殉難贛縣志

月世光字九照贛縣人萬歷中以選貢授萬州判官棄官
歸經年不入城市丙戌避亂入城城潰合室殉難世光
攜其幼孫趨盧觀象宅同赴池死時年九十有二贛縣志

□□芳信豐貢生任太平縣訓導城破死難信豐志

徐棠龍南人以千長團練鄉勇賊掠邑境棠與把總邵追賊至上蒙東坑伏發被圍棠子先芳奮救俱死附祀邵公祠仍旌曰父忠子孝

劉曰侏字勿仙贛縣人思誨子性高潔以砥身立行自期弟曰价天啟七年鄉舉崇正十五年曰侏舉禮經第一時遭喪亂兄弟奉母避於雩都之需巖歲甲申侏復入贛與楊萬圖守贛城破曰侏死子良竝從子良翊俱被殺合室俱死惟曰侏子良靖僅存曰价佯狂遯山中尋以哭母兄卒

贛縣志

賴士竒字慶茂會昌貢生崇正癸未特典廷試問安邊策御賜進士選新喻教諭甲申五月聞變號哭失聲遂棄

贛州府志

卷三十二 忠義

八

官歸乙酉入贛城見勢不可支乃回縣戊子城陷與兄之彥同死之

會昌志

謝明登字君祿贛縣諸生詔從子城陷明登謂妻羅氏曰我與汝名門子女義不受辱同妻并子佛生赴水死

贛縣志

孫經世字九雲贛縣貢生驍騎將軍蘭長子母喪未授官仲弟緯世季弟紘世皆清潔自愛時兵臨城下紳士皆逸經世謂緯世曰吾家世受國恩若逃竄非所宜也母柩在堂哭曰安得厝母柩於父穴兒輩死併一處足矣及圍急率家人拜先靈舉火自焚緯世妻蔡氏觸姑柩不死遂與紘世妻王氏率男婦赴池水死

贛縣志

聶邦晟字時卿贛縣人少嫻韜畧善騎射崇正六年辦事吏部八年冬授湯陰主簿流賊熾從經畧盧象昇軍前贊畫功加州判以父母喪歸贛撫萬元吉召爲監軍城潰同次子士熾死之妻劉氏幼子士煥闔門殉者百餘

人
志贛縣

□□□□□□錫嫡孫子五人長麟兆薊遼遊擊次

正宸薦舉正朝邑諸生俱死國難
志贛縣

馮復京贛縣諸生聞變同妻張氏盥洗焚香拜祖登樓對

縊
志贛縣

郭其昌字文欽贛縣人三歲喪母及就傅自傷不識母面因塑母像置塾中朝夕拜跪後補郡庠生避亂山中事

贛州府志

卷三十二 忠義

九

急具衣冠北面拜遂絕食死其絕命詞有濺血忠魂灑一城之句及死猶捧母像妻范氏號泣三日撫棺以殉

志贛縣

王純字不已贛縣諸生性嗜學見知於學使侯峒曾兄統郡諸生城潰同赴文廟死
志贛縣

楊萬言字獻可贛縣貢生貧而好學恒拾道間遺莧以爲蔬城破率妻王氏子三人同赴池死
志贛縣

吳時珍字席之贛郡學生事親孝子祚宏贛縣諸生城潰母柩在庭時珍衰經執杖與子侍柩前兵曰此孝子也不忍殺汝可隨入營珍曰吾所以衰經在此不忍離吾母耳遂奪刀自刎妻劉氏媳孫氏縊於家之東樓
志贛縣

莊曰敬字文思贛縣人城破被執過祖塋見母柩慟哭不食死妻金氏縊於宣明樓

贛縣志

趙光裕贛縣人受職經歷弟連城子雄飛俱贛縣諸生聞

變同赴火死

贛縣志

張大誥字合浦贛縣諸生守城時登城覘敵爲飛砲重傷

死子元鑑元鑰俱殉

余學義贛縣人遭變後以母老不忍遽死母曰汝父命汝名學義何謂勿以我爲念言訖閉戶自縊學義急救不甦遂赴水死妻鍾氏曰吾夫殉母吾何忍獨生隨溺媳邱氏又攜二子以殉

陽麗天字美中贛縣人孝本十九世孫少以孝聞就傳常

贛州府志

卷三十二 忠義

十

掩卷泣曰一日不見父母余心如裂其孺慕如此髫年爲郡諸生丙戌城潰麗天正衣冠北向再拜同妻鍾氏攜子赴清水塘死

謝明登贛縣人爲郡鄉約聞變語妻楊氏曰汝年尚壯當有憐汝者但善撫予幼孫楊氏曰君平日講約何至出此言遂攜孫投井死明登隨整鄉耆公服端坐自縊郭子魁贛縣里民聞變同妻鍾氏縱火自焚死

郭以和贛縣部民城潰攜妻巫氏赴宅後塘死尸浮水上猶握手不解

金之杰字元超贛衛生聞變潛立曲卷手刃數人力疲攜妻陳氏赴水死

陳君猷贛縣隸卒聞變聚妻兒酣飲積薪自焚死

劉思光字匪居贛縣廩生丙戌紳士練鄉勇助守城思光

分守東門露宿城上四十餘日城陷不屈衆兵鬻殺之

弟用光字端生爲邑諸生城破亦攜二子先魁即魁赴

後園池中死

以上俱贛縣志

蕭廷上興國諸生丙戌七月萬元吉弟六吉以廣西狼兵

援贛廷上與諸生彭玉生潘得先等率兵百餘人迎之

未至城六十里舟被焚廷上戰死

林志

謝武烈興國人由武舉爲贛州府武學教授丙戌十月城

破被殺四子同日并命

林志

鍾昌明興國諸生與社兵之選丙戌八月從總督中軍曹

贛州府志

卷三十二 忠義

十一

志建帥偏師出南門禦戰兵敗俱死

曾聯甲字口璣興國人以武力稱寧都給事曾應選糾兵

援贛以聯甲自隨後死於信豐

林志

廖任隆字凝和廖宏志字蓋臣廖日閑字威抑同族兄弟

行俱爲興國諸生從寧都曾某聚鄉兵謀取雩都戰於

石壇被執戮於市死之日凝和有妹往哭凝和笑叱之

慷慨就刃

興國志

國朝

劉震字青雷會昌諸生順治戊子賊首黎都乘亂據城焚

掠震率鄉勇擊賊戰於南山嶺傷賊甚多孤軍無援力

竭被擒罵不絕口爲賊支解而死里人建英烈祠以祀

震暨同時死事者六十人

張志

王仲錫會昌人甲寅粵寇王九萬攻湘鄉諸寨仲錫挺身拒戰殺賊甚衆力竭爲賊執罵曰身體受之父母勇戰無忝所生吾頭豈肯受賊刃耶躍身投崖而死

高崇隆字馨宇會昌人順治初草寇充斥劫掠無虛日知縣某委崇隆爲湖界隘隘官閩寇入界崇隆以十餘人往遏賊鋒甚銳與賊格鬪賊環刃圍繞崇隆手殺數人力不支遂受害

以上會昌志

廖仁體龍南人順治丙戌勦黃沙賊兵敗捍救縣令呂應夏於難而死呂嘉其忠義并其同族死難義勇思明思福思海思遠克庭尚韜等三十九人附祀仁體祖世德

贛州府志

卷三十二 忠義

十二

勦三巢平九溪亦立功甚多

龍南志

廖元耀龍南諸生丙戌進攻黃沙賊戰敗被擒刑掠無完膚終不屈官兵救之得脫

張志

王承語龍南人戊子七月流寇初入境直衝西河知縣呂應夏檄義勇出敵承語奮勇力戰被殺附祀

張志

葉啟鳳龍南諸生順治四年南埠賊葉南芝通廣寇爲亂鳳詣縣告變賊誘殺之其父愬難軍門搗其巢執南芝

正法

龍南志

謝朝賓龍南鄉官順治四年進勦黃沙賊劉耀中耀中求救於閩賊二月十二閩賊突衝義勇營朝賓與鄉兵俱力戰死雍正十年祀忠義祠

曾汝宮龍南廩生明太常寺卿曾汝召弟順治丁亥黃沙
寇亂汝官倡義師從知縣呂應夏進勦陣亡

葉茂然龍南諸生順治丁亥同勦黃沙賊兵敗死於亂軍
曾世璋世廸俱龍南諸生汝召姪土寇劉耀中作亂從知
縣呂應夏鄉官謝朝賓等進勦兵敗兄弟同死於難

廖乾彝龍南增生東陽尹廖尚宿孫素抱竒畧適劉寇蟻
聚黃沙乾彝首倡義勇拔戟先登遂陷賊鋒而死俱以龍上

志南

趙伯奎龍南諸生戊子廣寇陷城被執厲聲大罵賊殺之
首隕地口猶數張如罵狀賊衆駭懼同時被擄數十人

悉得贖還

志張

贛州府志

卷三十二 忠義

十三

徐□茂龍南武生戊子奉檄領鄉兵勦閩寇時賊衆兵寡
茂奮入賊穴賊敗走力追之馬陷遇害志張

謝賜亨龍南人戊子閩寇困城三月亨屢戰克捷後邑令
復命衝營賊衆勢孤陣亡附祀志張

李時我龍南人廣寇流劫上蒙堡署縣事祝天壽率鄉兵
禦之爲賊困時我奮勇突圍捍禦以出孤身立殿竟死
於敵

謝賜廩龍南廩生賜亨兄狀貌魁梧慷慨有古人風劉寇
謀逆奉委進勦挺身血戰殺傷賊黨甚衆將搗賊巢適
閩寇奄至兵遂潰賜廩遇害時所乘馬逸歸悲嘶不食
而死

謝竝龍南貢生進勦黃沙爲賊所害

許蘭吉龍南諸生任俠重義土寇潛擾黃沙爭先直抵巢

穴兵敗死之

龍南上志俱

來盛者信豐人曹觀光家僮也觀光與金聲桓之謀而逃

官捕其二子曰岱曰修修甫數齡岱稍長來盛與修齒

相若願以身代曰吾主血嗣盡於此捕者義而許之修

得逸來盛偕岱繫贛獄數月並死東市

信豐志

靳養蒙籍貫未詳順治間委守羊角營草寇猖獗養蒙死

守孤城力盡援絕舉家遇害

張志

范魏卿長寧人順治十亥曹子布誘五子石賊爲亂魏卿

與劉鴻班率兵禦之力戰死知縣黃龍飛嘉其忠勇附

贛州府志

卷三十二 忠義

十四

祀報功祠

余國祥長寧人曹子布之亂與范魏卿同時戰死

羅肇正長寧諸生曹子布倡亂時肇正責以叛逆子布怒

戮之事聞旌以大節可風

長寧上志俱

許朝佐龍南人順治辛丑任寧都把總禦寇陣亡

陳巍崑龍南廩生劉寇蜂屯黃沙從邑令進勦死於陣

徐之享龍南人康熙丙辰楊賊擾縣東南境屯關西將肆

掠之享率鄉兵同下歷司兵夜薄賊營之享素驍勇首

衝賊壘斬賊先鋒我兵乘之賊遂敗去之享深入死於

賊營

楊耀乾張二一俱龍南人康熙丙辰楊賊擾境圍攻縣城

耀乾二一盡力拒守俱爲賊砲所害龍以上志俱

凌日章長寧諸主丙辰粵寇馬劉沈攻城岡日章率鄉勇

禦之賊至奮勇格鬪沒於陣長寧志

論曰忠義之激發人心豈不信哉方岳忠武討彭友之亂虔人已有陳方畧於軍門者迄信國舉兵郡中豪傑四應毀家向風以紓國難見於宋史忠義傳者不乏也若志中所錄諸人史猶不得備著焉觀於此而贛俗之悍猛尚氣皆變而爲忠義矣邊郡當四省之衝寇盜劫掠鴟張特甚元明以來無代無之或團練鄉勇助官師以資捍禦或聯絡隣封聚餼糧以備犒饗徃徃衆志成城有死無二以視畏首畏尾徒爲

贛州府志

卷三十二 忠義

十五

全軀保妻子計者何如也明政久弛人無固志猶堅壁固□□死勿去內而婦孺下至隸卒與城俱殉忠義窟之名號可謂不誣也已其遊宦他邦任專闔守專城與治同道亂則執干戈以衛社稷不濟則以死繼之又得若而人折衷前志特詮次以表之

孝友 傳上

事親從兄爲仁義之實實之所在語亦質而非誣謝董二志錄孝友各數十人張志登踰百人今就雜傳中確有事蹟不愧孝友之稱者益以各縣志及近今所收共得□百餘人其搜次不可謂不廣也外此有事蹟不彰徒掇拾古人徃行以相比附泛舉而聚諸

一人之身雖善善從長非春秋謹嚴之義矣故□□
多剖肝割股廬墓之事道非中庸間有兼此而別具
他行者仍列上卷立孝友傳

宋 蕭行可

明 孫思遠 徐仲真 馬 麟 呂承廣 黃 學

徐世寵 弟世曹 官附 藻 文運會 歐子復 謝萬榴

劉子鈿 曹增重 鍾毓徽 方似架 謝國梓

李元顯 廖愛粟 弟附 李稜 李一松 袁慶雲

王 維 謝為舉 曾良橋 劉尚德 黃崇秀

李逢月 謝天詔 何 緒 李 拊 徐 昂

陳嘉文

贛州府志

卷三十二 忠義

十六

國朝歐可悌 廖守相 鍾 寧 歐有采 賴之冕

廖瓊乾 李標英 黃日曜 賴修位 劉 堅

劉 颺 賴之捷 廖士章 謝君雋 金維嶽

江立貢 謝克昌 劉洪允 朱士昂 戴國璜

戴國治 郭逢辰 許永壽 鍾元識 王 褒

羅日耀 鍾貴定 黎臣佺 姚之价 戴啟文

黃斯彬 李武發 鍾恒震 王三台 鍾國錦

劉天霖 歐承玫 鍾必森 周之正 歐陽向

鍾 燦 王宣卿 劉鼎遠 李日燦 廖國喬

何 暹 鍾嘉謨 劉曰益 姚心仁 唐人龍

劉永一 章齊純 劉維杰 謝錫易 蕭 憲

戴國寧 姚之璽 韓方鎮 劉廷駮 鍾大德

邱應佩 陳文興 周卜年 呂大素 曾王選

徐廷光 呂儀畏 鍾懋容 鍾孔仁 曹淳

謝君宇 黃右均 謝虞賓 吳元 謝紹遷

施日琮 胡聖輝 王爾宣 廖曰明 李得榮

劉光昱 胡若柏 謝匪千 廖榜 謝孔書

劉益彬 廖嘉卉 鄭德進 閔紹九 陳章許

陳天秀 羅崇儒 鍾達天 鍾毓明 歐吉琦子陽 滎附

宋

蕭行可興國人宋大觀三年進士父母没自運甕土營墳

為豫章宮校秩滿將遷以論事不合棄官歸裝蕭然惟

贛州府志

卷三十二 孝友傳上

十七

有書籍一車而已後累徵不起理宗寶慶中縣令趙不

邊於其居址請建孝行坊以表之興國縣志

明

孫思遠雩都人博覽羣書言動皆有矩矱洪武中知縣官

好禮以秀才薦入京試優等注官不受乞歸養母別構

奉親堂以居朝夕承順母卒塋祭悉如禮練子寧解縉

有文述其事

張志

徐仲真龍南人九歲而孤母賴氏孀居每慟藐孤無以為

家真跪曰薄田具在敢不竭力母俄以憂盲真遍訪名

醫療之弗瘳日夜禱於天常以舌舐之逾年遂能辨物

人以為孝感所致子文以貢為通道令亦能其官

謝志

馬麟信豐人百戶駿庶弟駿因事歐殺人當死令甲武服重刑者拔黃革襲麟歎曰伯兄罹罪而墜世勲先人汗馬之謂何遂毅然以身代繫獄十年景泰改元大赦出獄時年已六十矣初無嗣晚年連舉二子年九十乃卒人以爲孝義之報

謝志

呂承廣興國人年十二喪父對人言輒隕涕事母孝母有目青朝夕不離左右寒則令妻溫被母年九十而卒臨殯阻雨雪廣顛天泣拜是日忽開霽人稱孝感

張志

黃學信豐諸生事繼母張氏盡孝嘗赴省試聞母病即戒行朋儕稍慰止之學曰知母病而不躬侍何以書爲竟歸因棄廩終養

張志

贛州府志

卷三十二

孝友傳上

十八

徐世寵世宦兄弟龍南人後隸定南嘉靖三十年岑賊李鑑劫擄入巢賊欲殺寵宦求以身代復欲殺宦寵亦如之賊義而兩釋之

曹藻信豐諸生父鼎以家奴犯辟坐逮郡獄鬱病支牀藻侍病不離左右及卒抱父屍出歸塋以哀毀得瞽眩而終黃稽勲爲之贊

信豐志

文運會字應期會昌人性篤孝父炯歷官燕京楚蜀間萬里相隨不離跬步以選拔除永康主簿甫周期即解組歸養親沒屢徵不起曰吾親安在尚須祿乎終隱盤古山山上蒼松數千株皆其手植

歐子復字存仁會昌諸生流寇犯境父爲賊執子復詣賊

壘哀號乞代賊感縱之父沒事母鬻衣爲食竭力奉養
至老不衰萬歷二十二年奉旨旌表

謝萬榴贛縣人家高樓捫屨爲業菽水養親比亡依於墓
側以篷爲蔽風雨寒暑弗暫離焉邑大夫胡如孟聞之
策馬相訪有問不知所對第涕泣頓顙謝胡大夫感其
誠慰勞而去已命同里諸生舉其孝行萬榴聞之匍匐
及各生門叩頭請曰草野所爲敢瀆聞於官府乎不願
受尺布斗粟之賜也諸生反命邑大夫愈加嘆服

劉子鈿贛縣人家南橋幼孤有母家極貧兄弟四人刺船
爲生已而念母老舍船而家仲兄子鍾頗自給鈿與伯
兄季弟俱爲人傭賃以供菽水鈿尤寡甚母病危割股

贛州府志

卷三十二 孝友傳上

十九

和羹以進然竟不起鈿哀痛欲絕既乞貸殮葬遂結茅
墓旁朝夕編竹簞易米以餬口諸債家來迫將思鬻妻
以償子鍾聞之乃約兄及弟詣廬所泣語鈿曰均子也
奈何以母故而獨苦吾弟歸而合室還宿債終身無相
怨尤邑令楊汝昇作長歌表之

以上俱
張志

謝詔曰予讀金壘子洎中元子本語而重有取於劉
謝二孝子也金壘子曰孟子云事親若曾子可也楊
子云事父母自知不足者其舜乎孝至舜與曾參而
僅以爲可且以爲不足也此蓋本舜與曾子之孝之
心而言也今世俗事其親曾不能萬分一古人之末
節而哆然以自張至廣求縉紬之譽乞邀門楔之榮

□亦不知其何心矣南史梁吉玠代父死帝赦之後
丹陽尹王志欲舉充純孝玠曰異哉王尹何量玠之
薄乎父辱子死道固宜然因父取名何辱如之古之
孝者不難以身代父而猶不欲以父取名今乃欲借
父以爲名吁誠不知其何心矣高新鄭公掌國子時
一助教舉其堂开生孝行公不答越數日復言之公
曰子安知其孝曰本堂諸生薦之也公曰諸生安知
其孝曰見其行有述其邦大夫之禮之也公曰諸生
何由見之曰开生特以示之者也公曰予固知开生
之示之也夫孝之道大人莫敢當也而張以示人得
非假孝以取名乎聞人之孝不辨真僞而輒舉之亦

務爲崇孝之名耳彼務孝名此務崇孝名相率而爲
僞者也何可以爲訓子休矣按高陳二公之論蓋爲
晚近噉名者發也夫將以求此名也則其中必有不
可信者矣網屨如謝刺船如劉至推魯也彼何知孝
之爲德又何知孝之爲名親在而嘔嘔膝前親沒而
依依墓側固其天性然哉蒲伏謁門求免推舉夫然
後益信其爲無懷葛天氏之氓也已抑又有說焉漢
舉士賢良方正與孝廉二科並行當文帝武帝時賢
良每對輒百許人獨孝廉科文帝詔則曰萬家縣無
應令者武帝詔則曰闔郡不薦一人何也蓋賢良稍
有文學即可克選孝廉非實行不容謬舉耳語曰舉

孝廉父別居嗟乎孝可易言乎哉

曹增重信豐人幼孤母有痰疾十年不瘳增重衣不解帶
夢神示以方進藥而母愈兵亂同母避山中遇寇將刃
之重跪泣曰寧殺重毋傷老母也賊感其誠並釋之
鍾毓徽字述江興國人父早喪事母陳氏以孝聞母没苦
塊蔬粥三年隣居失火毓徽伏棺號泣風息火滅知縣
吳宗周上其事巡撫王公獎以粟帛
方似渠字從甫興國人少有至性母疾夜叩北辰請以身
代比居喪苦塊如禮事繼母無間所生母亦愛之如己
子爲諸生嗜學篤行年未五十卒

謝國梓字賓南會昌廩生兄國命杭州別駕俱以孝聞國

贛州府志

卷三十二 孝友傳上

二一

梓以萬歷己亥當歲貢父病篤梓意不欲行父強趣之
及抵省而訃至擗踊號泣嘔血數斗未幾喪明事聞贛
院旌獎歲給粟帛按部使屢式其廬以上俱張志

李元顯字貴卿興國諸生兄宦閩中欲迎母就養元顯愀
然曰奈何以升斗糈使垂白老母間關千里耶奉母甘
脆不貽兄憂

廖愛栗愛粟安遠人父早逝事母盡孝母死泣血三年兄
弟不忍分異以田產相讓萬歷間知縣何舜齡嘉其孝
友皆賓禮之

李稜龍南人二歲而孤稍長盡力養母朝夕得其歡心垂
三十年未嘗少貽母憂母死哀號絕食未幾卒

李一松字茂甫雩都人積學善屬文萬歷壬辰選貢以親老絕意仕進依依膝下如嬰兒弟一柏出入必偕甘苦共之孝友之風閭里歎慕李涑講學羅巖松師事之卒配祀其祠崇正間督學副使吳炳檄縣祀鄉賢以上俱張志

袁慶雲雩都人端子任上杭訓導未幾以親老乞歸朝夕奉養揣色聽聲未嘗跬步離左右親沒過哀遂以疾卒初端置側室生子慶暘母卒暘幼雲撫育成人雩都志

王維字潛拙雩都人鴻裔孫爲邑諸生以五經授徒嘗遊李涑之門醇謹篤學言動不苟家貧竭力事親親沒墨瘠焦枯知縣賽啟臯造廬問慰上之督學表曰孝子之

門張志

贛州府志

卷三十二 孝友傳上

二二

謝爲舉信豐人少喪父與母相依母老有羸疾奉侍湯藥不離牀簀者三年異母兄出爲人後不能自給爲舉分以田宅妻張氏亦以孝聞

曾良橋字景南會昌人早喪父事母孝撫幼弟五人既成立不忍分居知縣梁宏建申聞巡按旌獎

劉尚德贛縣人事二親終身如孺子逮沒每聞烈風迅雷必至墓跪伏經三院並將匾曰孝子贛縣志

黃崇秀信豐人年十五父病侍疾衣不解帶者五年及父卒日號於墓側又拮据力田以養母母卒營葬伐土下有舊穴崇秀曰吾欲葬親乃遷他人父母骸骨乎更葬母於他所撫兩幼弟同居三十五年以腴產分給之自

取礲瘠而已初無子年近六十妻年五十餘始生子人
以爲盛德所致張志

李逢月字雲將一松子登天啟辛酉鄉薦以孝友聞父沒
匍匐苦次墨瘠不能起繼母袁氏有數月遺孤逢月鞠
而教之崇正甲戌御史李宗著列其行誼薦於朝張志

謝天詔字紫宸雩都人隨父任撫州父任未四月卒於官
清介無所遺詔痛哭典鬻扶櫬歸里母性嚴詔先意承
志稍弗悅必恐懼引罪侍立終日中崇正己卯副貢應
選廷試充北雍朝廷欲除以御史以親老不就晚年潛
心理學雩都志

何緒字克成會昌人父卒兄纓與其子亦早卒遺孤孫與

贛州府志

卷三十二 孝友傳上

二三

□弟方十歲緒皆撫育人善治生產視父業贏數十
□弟約其兄孫與緒分緒會其資爲三兄弟平受之人
有急求鬻田厚與之值或輒悔其田緒還之不責償鄉
里稱爲何長者會昌志

李拊字文和興國人父朝爲湘鄉丞督賦不妄取攝安化
令雪侵帑之獄以廉明稱拊性淳樸事母孝母疾湯藥
必親奉兄揆赴選乏資斧鬻產助之邑令海瑞贈以粟
帛聘爲鄉校師興國志

徐昂龍南人九歲失怙甫十二歲母卒未塋流賊突至縱
火將及樞衆皆避匿昂號泣籲天風息火滅衆咸異焉
長補弟子員恬退不樂仕進築室城西求聖賢之道尤

遂史學嘗植竹數竿吟咏其下自號逸林有司賓禮

辭不就

龍南志

陳嘉文會昌諸生父母早逝依伯兄事之如父兄沒持服至期猶不改後死兵難

會昌志

國朝

歐可悌會昌諸生明末時父被寇執將就戮可悌挺身求代賊感其誠俱縱焉

張志

廖守相信豐人順治二年四營頭寇信地猝至相奉父母避穀山寨幼弟守模就塾未及召被執同被擄者十三人母聞模攜昏仆地相救甦跪慰曰兒當捨身救弟出母強起相取私積百金以贖賊不可哀泣懇告賊感其

贛州府志

卷三十二 孝友傳上

二四

義釋之並全十三人模德其兄友愛彌篤年至八十三而終

信豐志

鍾寧龍南廩生甫四歲失所生母哀痛如成人娶張氏有婦德孝事嫡母林氏母卒寧哀毀順治三年丁亥父應霖罹飛禍寧號泣赴郡縣白冤狀知縣呂應夏廉知之兼得其父子善狀以雨朝善士旌其門

張志

歐有采會昌諸生兄有亮夫婦早逝遺一子十歲順治戊子姪與己子俱被擄有采鬻產五百金徧覓郡邑至雩都始得姪息傾所攜金贖以歸己子卒不獲後生子吉

琦康熙中恩貢

會昌志

賴之冕字首人會昌人父士聖明末官職方郎中戊子之

變會昌以受僞擻被圍士聖詣贛帥約輸金三萬贖闔城命貲半入而城不全士聖自縊子七人三死於兵之冕奉父命隨其母得間遁去事定歸求父殯於煨燼中不可辨泣血自傷即其處哀骼葬之徧收城中諸骨於南郊築萬靈塋藏之里中義舉無不爲之首倡以例貢授布政司經歷弗就

會昌志

廖乾瓊守相季子也祖持正葬本地田山山吉郡橫塘張宦產也宦僕至嘖有煩言相不憚臨沒囑其子曰余生平無所遺恨惟祖塋附葬田山貽僕人口實爾三人克繼予志能購此田後嗣其寢昌乎瓊獨遵遺命懷重貲倍價徃售之年過四十無子又九年生子應昌人以其

贛州府志

卷三十二 孝友傳上

二五

言爲讖云晚年尤力行善事貸穀於貧乏不取其息鄉隣待以舉火者百餘家年七十而終知縣張輔宸爲其父子合傳

信豐志

舊志論曰漢武之雄才大畧而萬石君家以孝行顯英主其知所重矣哉獨史稱其不言而躬行者不過庭幃細行今廖氏父子贖弟慰母售田繼父可不謂能人所難能乎視彼中裨廁踰躬自浣滌者復何如也

李標英字伯倫安遠人明季山寇竊發負母匿深林中爲賊所獲標英告哀曰吾死不辭願生還我母賊難之標英持母長號賊識其里居姓氏相戒勿入其鄉邑人旌

之安遠志

黃口曜字朱霞信豐人家貧嘗負米百里外以供父母兄弟六人同甘苦并力合作怡怡一堂年四十始婚生子終不以室家故間兄弟之歡平生言諾無幾微矯飾嘗修築陂塘以脩一鄉旱潦年七十四卒子占鰲登進士賴修位龍南人甲申閩寇奄至位負母入山避賊回取供具寇從山徑相值挾其母索貲位佯許之約取於他處置其母而身與賊俱比至一無所有賊怒殺之母得免劉堅字不磨會昌人幼有至性順治戊子之變堅隨母先期出城走匿蠶口山中父死於兵兵退堅隨老僕至縣徧覓父屍暴骸堆積中於東城門外得之共舁歸葬哀

贛州府志

卷三十二 孝友傳上

二六

感行人時年始四十耳謹事寡母終身不離左右同懷十人堅爲之婚嫁妻死不再娶一子及孫先登皆早卒先登子聖謨舉乾隆戊午鄉試

會昌志

劉颺字元兆會昌諸生未晬而母卒父士立再娶王氏鞠育之王氏歸未朞而父又卒氏撫颺無間己出颺孝事亦脩極愛敬終其身母未嘗有怒言厲色相加王氏暮年肩背兩手俱患癬癢不可耐颺及妻用牙刮之月常三四初其父艱子息生一子病廢撫堂姪某繼乃生颺父卒繼兄儂宥其所分受業窘時輒懷利刃脅颺颺跪抱其膝曰兄有急弟當奉命今即殺我何害但恐驚老母也久之兄亦自化颺子世基受知學使李鍾僑辟入

□府校文詢及其父母爲作孝弟說以張之縣志□

賴之捷字汝莊會昌人順治戊子城破與弟之晨俱爲兵掠時方十歲日攜弟哭泣於墻隅兵詰之之捷曰想我父兄死得可憐也兵因是憐之亂平伯兄之冕贖之歸廖士章興國人順治己丑營將勦土寇弟士廣被執母江氏追至營計不欲生士章願破產贖不許兵衆仆母子於地掠廣以去後知廣卒於江北有遺孤竭力贖歸爲授室友愛至老不衰張志

謝君雋字孟嘉龍南諸生戊子賊攻城潛出求援城陷父母被執君雋自象塘冒死入城保全其親兄弟同居友愛數十年如一日子上琨以歲貢爲永豐訓導

贛州府志

卷三十二 孝友傳上

二七

金維嶽字修麟贛縣人順治間遇寇與弟相失弟年幼維嶽至京師尋得之攜歸爲授室推產與之歲荒作糜粥賑饑者

江立貢字彙英興國人順治丙申負父永俸避梅窖賊於上龍時立貢未得嗣永俸病革恐賊害其子命之遠逃立貢跪泣曰父病兒求代不得忍貪生乎後父終茹素三年

謝克昌定南人明節烈謝碧羅氏之孫四歲失怙能遵母訓長而貧母病卧數年謹奉湯藥罔懈母年九十餘克昌亦七十餘母不能自進食親爲進之一切舉動躬自提挈污穢不厭母止之曰爾亦既老矣孫曾可待我何

自苦爲克昌愉色婉容以承母卒年九十八克昌年八十八而終

增新

劉洪允雩都人父思穆克禾豐練長順治己亥隨父統鄉勇勦賊李廷玉奔北失道反覓父父曰吾憊矣兒自逃生允曰父死何爲生負父而行賊追及并遇害

雩都志

朱士昂雩都人康熙十三年崖石賊掠雩之北鄉士昂母李氏被執昂冒賊刃哀泣隨母賊索其鍰贖昂同妻鍾氏賣身本縣曾某得銀贖母曾憫其志還其身契奉母歸竭力孝養母沒廬墓守孝乾隆二年旌表建坊入祀

忠義孝弟祠

雩都志

戴國璜字賜生信豐歲貢戊子寇亂叔父爲賊所擄父憂

贛州府志

卷三十二 孝友傳上

二八

鬱成疾璜時年十八入賊營泣求身代謂吾尚有弟叔父無子情詞淒切賊義之遂兩釋歸具子士弁爲諸生亦善事母

戴國治字智生信豐諸生丙辰寇亂偕兄避居鄉圍寇又掠至圍中人盡竄時治兄患病將死攜幼姪抱兄於卧榻悲號寇詰以不避故治曰兄弟本同根急難何忍棄寇憐之不侵擾而退

郭逢辰字堯日信豐人粵寇王割耳破各鄉執其兄逢年索金逢辰詣賊營代兄拘禁迨官兵至得脫康熙甲申

大饑煮粥濟困郡守嘉之

以上俱信豐志

□永壽龍南人侍父病父有沃產及疾篤謂永壽曰汝從

于數人幼孤吾欲以汝產分給之永壽唯唯比父沒□
遺命無恹色知縣高其行以賓禮之

鍾元識龍南諸生父應問以鄉舉任荊州司理卒於官扶
柩歸里九江值大風舟楫盡毀元識叩柩號泣已而風
平柩得以全人稱其孝俱龍南志

王褒字袞若贛縣諸生避亂龍南戊子山賊陷城母温氏
被執不受辱賊怒將殺之褒年十五引頸代母受刃賊
憐其孝並釋之

羅日耀字旭明贛縣人幼孤母失明日耀每出不踰里輒
還調治母目復明少弟某早夭日耀凡遇施渡造橋修
學宮立社倉等事皆重捐貲署弟名以傳之子塏由諸

贛州府志

卷三十二 孝友傳上

二九

生爲例貢居家不私財產敦厚有父風贛縣志

鍾貴定定南人事親養志承順縣令孫匾旌孝友足式性
尤好施與捐建石橋四座施藥丸以濟人病久而不倦
黎臣佺贛縣人家貧竭力養親父癱瘓佺晝夜侍飲食便
溺不違其時十五年如一日縣聞旌其閭俱張志

姚之价字介人贛縣廩生性至孝庚辰罹火災與弟之珩
驚奔援其母劉氏火熾被焚死珩妻劉氏與焉玠子景
謙景謨亦以救母郭氏死於火及出屍瓦礫中猶見其

母子相抱羣屍纍纍護其側贛縣志

戴啟文字開運信豐人時喪亂與弟俱爲寇所獲欲殺其
弟啟文跪泣曰寧殺我乞留弟賊義而釋之張志

黃斯彬定南人母逝繼母曾氏性稍厲待斯彬多竒斯彬益謹事之色養怡順繼母攜前夫子來友愛如同胞繼母後亦待斯彬如己出家貧好學性樂行義有隣鍾某貧將嫁其妻斯彬給以米更貸資本生理遂全其倫族間貧苦無歸不能葬者多倡勸棺費以殯增新

李武發字繼文信豐諸生康熙丙辰避寇居安息之流水寨賊攻急武發奮勇捍禦力竭被創賊刼其父去武發強起號泣隨之乞以身代賊不許復舉矛刺中右目血流被體仍挽抱不置賊義而釋之乃繫其弟去武發罄囊赴營哀贖得歸後父析產弟以分業補償贖金武發曰雖予囊父在猶衆也堅拒不受及卒知縣黃之徵銘

贛州府志

卷三十一 孝友傳上

三十

其墓

信豐志

鍾恒震定南增生四齡矣怙偕弱弟奉母以孝母卒三年不入卧内弟早逝撫姪如子俾有成立子弟秉庭訓多列鬢序膺歲薦又咸謂孝德之報增新

王三台興國人康熙甲寅土寇蜂起三台攜僕往蘇陂田庄負米供親爲賊所獲令導之入城不從遂被殺僕得免歸述其事

鍾國錦興國人康熙田寅寇變負母劉氏避難塘石土圍夜半發火突火而出尋母不見大聲號哭復入烈焰中救之不及同母俱斃時年方十五俱興國志

□天宿字子瞻信豐人康熙癸亥選貢授分宜訓導不欲

行親強之乃果尋以終養歸親疾藥餌以自奉居喪哀痛悲號三年如一日服闋補福建繼母強之行不從孝事如所生

信豐志

歐承玫字潔郎會昌人與兄承瑞俱以文學稱父没事母色養備至承瑞爲仇陷繫獄禍不測新例凡未經定奪而徑叩閹者杖承玫曰俟獄成無能辨矣脫兄不免且以爲吾母憂雖生何益遂擊登聞鼓訴兄冤狀疏上得以疑獄赦免刑部主事余開熙左右護掖之得不死然杖重已見骨每陰雨痛楚不可耐語家人曰吾身雖苦而心實快也

會昌志

舊志略曰觀承玫之舍身救兄以抒母氏之憂可謂

贛州府志

卷三十二 孝友傳上

三一

孝子悌弟者矣或曰萬一承瑞獄不可解而玫受廷杖死使母氏無養生之子是兩失也然使豫設是心而畏縮不前則亦坐視其兄之死雖可救而不救矣玫之遭可謂天倫不幸萬一即死其志可悲其愚不可及也

鍾必森字玉立安遠人家貧竭力事親父沒寢苦三年國初寇亂奉母避匿華祝圍賊至必森負母持短刃且鬪且走後賊叢至而刃其母必森哀痛奮身殺數賊身亦

被殺

安遠志

周之正字伯讓信豐人父沒母愛憐之予白金三百正悉以與兄後分爨念兄人口耗繁凡遺產業十讓其七知

縣張執中爲之傳

信豐志

歐陽向字懿芳龍南國學生聞父病自新興歸過山窖下已昏黑林中忽有火光導之而往行數十里至程龍佃家一聲咆哮而去乃知爲虎火也抵家父已屬續向哀號痛哭父忽回生叮嚀數語而絕

張志

鍾燦字內美興國諸生順治戊子寇亂繼母朱氏病篤燦侍床簣弗敢離賊至叱曰胡不去燦泣訴云母病危不忍耳賊感釋之弟熺爲賊所執姪在襁褓中被擄燦不避艱險徧訪贖歸卒閣學王思軾銘其墓

張志

王宣卿雩都人徙居贛縣文潭自其祖勇樂生三子曾彌繁衍至宣卿七世叔季羣從幾二百人未嘗析箸設家

贛州府志

卷三十二 孝友傳上

三二

長以督諸務門內外一稟承焉閨門婦順皆雍睦和好雩都易學實署其門曰仁讓德門

劉鼎遠字喬松安遠諸生襁褓時父用賓經商遠地歷三十餘年不知所之凡族隣貿遷者懇求探父所在比入庠攜囊周流南北數年得見父勸回籍卒於本郡鼎遠扶襯歸殯塋如禮奉母亦極孝敬

俱張志

李日燦定南太學生父耀山諸生溺水死燦隨母揮淚不食必母憂解始安事之脩極孝敬母年八十餘終猶泣血不見齒弟姪皆督責成名

新

廖國喬字金陵安遠人康熙丙辰父爲鄉寇所擒國喬號泣隨至寇寨哀求釋父寇以刃懼之願代父死寇感其

孝並釋回志安遠

何暹字俊侯安遠人父早喪事母惟謹母沾風疾延醫無效走峨嵋山虔禱於神歸幸母愈逾年復病手足痿廢暹貧母起居經二十餘年無倦色母沒哀毀盡禮暹與諸兄異母母沒出母積金與諸兄均分無所私志安遠

鍾嘉謨定南人節母王氏子也半齡喪父長就外傳遇母病輒悲號躬親湯藥事母七十餘年家雖貧猶竭力爲母建坊母沒時謨亦老矣哀極搶地水漿不入口命幾絕救之乃甦增新

劉曰益字如損贛縣人早孤奉母梅氏避亂龍南事平束裝歸值春水漲溢舟覆母溺益既視殮附棺以殉

贛州府志

卷三十二 孝友傳上

三三

姚心仁字孟韜贛縣歲貢少時事親能先意承志侍父疾維謹會兵寇載道奉父母避會昌承鄉山中偕弟大順力田奉養值昇平復居郡城孺慕彌切雅好交遊每遇賢友必稟命禮之否則弗敢遽與交也年五十餘父沒憂鬱而卒贛以上縣志俱

唐人龍字步雲安遠歲貢母早喪勸父再娶事繼母委婉承順無一事稍拂母病股舐毒不痊步行至廣東南華山求藥治之執親喪哀毀待弟世龍式好無尤志安遠

劉永一原名主鎮贛縣人年十二值歲饑絕糶走數十里外負米歸食其親康熙十二年三藩叛逆寇盜充斥衆避之砦間一夕砦爲賊破主鎮扶父急奔復奮身負母

逃誤陷伏踏鐵蒺藜穿透足背倚崖壁拔之踵血淋漓
賊追及乞以身代賊委之而去親卒哀毀逾禮

章齊純字衍力贛縣人父早逝母哭喪明齊純朝夕以舌
舐之越數月復能視家貧授徒以奉甘旨每自塾歸即
依依膝下母年踰八十純亦年踰五十而孺慕如一日
乾隆三年建坊旌表

劉維杰字振先贛縣人少孤家無宿儲拮据奉母每食必
親母盛夏思芋杰入山澤禱顛泣下忽見生芋在地掘
得數斛人稱孝感母病侍床蓐母年九十五邀恩賜
帛及卒維杰時年六十七哀號而終俱贛縣志

謝錫易字安序長寧人父時躍家資巨萬三藩遺孽蹂躪

贛州府志

卷三十二 孝友傳上

三四

村落擄錫易父爲竒貨錫易方弱冠痛父遭擄赴賊營
願以身代賊放其父復以錫易居竒束縛以行凍餓箠
楚不回賊感其孝釋之歸事父孝父沒哀毀年六十餘

卒雍正八年旌表

長寧志

蕭憲贛縣監生少失父事母孝執母喪哀毀獨居苦茨三
年服闋髮長數尺不忍薙知縣李仙洲移知儒學延至
明倫堂爲薙髮并旌其門

贛縣志

戴國寧字伯靜信豐人性至孝丙辰避亂山中父病思食
山麕肉時山中多盜國寧竟入山捕麕弗獲晨夕悲號
忽一日衆犬逐麕至寧執而烹之以進人以爲孝感所
致

姚之璽字伯揆信豐廩生丙辰寇至隨父避居崇仙水西時寇擄掠索餉家業遂空父死恨不能厚殮椎胸飲血日夜哀號竟以痛傷殞命

俱信豐志

韓方鎮字次侯贛縣人兄方錦邑諸生喜交遊坐分產業耗盡嘗假鎮田償債鎮無難色錦卒又代償債五百餘併出己產均分諸姪子乘漢副貢乘五邑諸生

劉廷駮字鵬萬贛縣人置祀田以恤宗族撫弟之子如己子益發其祖墓失骸骨廷駮雕檀木爲像日夜號泣後竟得之

鍾大德定南人考授州同生平奉三庶母如生母母弟一庶母弟三友愛不分同異每值青黃不接里中貧乏者

贛州府志

卷三十二 孝友傳上

三五

給米食以濟之

邱應珮贛縣監生嘗隨父北運侍疾廢寢食者累月後數年父沒嘔血數升事伯兄如父推善讓美從兄卒遺老母弱子珮即以己母己子視之嘗周隣里貧乏歲饑多出米以平市價修濂溪書院遷建學宮珮俱以多金輸助又水口塘義渡自雍正四年起每歲捐租十石贍之至今子孫猶循其例

以上俱贛縣志

陳文興興國諸生值歲饑與父往買米糧以濟族黨舟次袁州父失足墜河文興躍水救父皆溺死移時抱屍浮水面同舟駭異爲之運載以歸

興國志

周卜年信豐人母病癱瘓卧床褥十餘年藥必親嘗衣不

解帶如一日後嫂亦癱發□□周至人稱爲孝義信豐志

呂太素字完樸興國人孝子叔熙裔孫幼失父事母承顏

順志值雷雨嚴寒必謹相依附母卒朝夕哭踊每奠哀

聲振地蔬食水飲三年興國志

曾玉選信豐鄉里小販也母蕭氏生平畏雷及卒擇地而

葬每當雷雨時玉選即棄生理奔墓跪泣曰兒在此後

結廬墓旁里人憐其孝多周贍之信豐志

徐廷光字復旦興國人早歲遊庠食餼父邁年癱疾曉夜

奉養十餘載無倦母七旬喪明以身祈代調治三載復

能視物師事伯兄友愛季弟無間言雍正三年舉優行

呂儀畏字字侯興國太學生父呂箎晚喪明不離左右起

贛州府志 卷三十二 孝友傳上 三六

居親扶不假他人二十餘年無倦色父沒居喪三年足

跡不履屨市

鍾懋容字洪度興國人遭亂奉父母避居贛城寇平歸家

痛弟餘兆早世姪才伊甫一月失怙恃恩愛踰己子稍

長出就外傅身親與俱才伊幼慧年十二知縣張尚瑗

拔冠童子試入郡庠二十七卒復撫才伊子尚弼後亦

食餼明經兩世一脉皆賴之

鍾孔仁字毓秀興國人父有目疾時以舌舐之經歲復明

後父沒哀痛喪祭盡禮以上俱興國志

曹淳字泰璞信豐諸生七歲失怙善事母家貧嘗傭書以

供菽水光是父兄弟五人共有田租二百入十石俱爲

伯叔父蕩盡旁觀不平淳獨相讓積館俸爲弟完配教子讀書立品有孝友仁讓風

謝君字字連雲信豐人幼失怙母年八十終勺水不入口者累日季弟幼盡以分授己田歸之弟沒母所分授私券悉以與姪所居案山山水壞田捐費築堤遂成膏腴足跡罕入城市及卒知府汪宏禧誌其墓

黃右均信豐人居家嚴肅食指二百餘口內外秩然都御史林一柱召問之右均對曰自持以廉待下以公林嗟嘆旌其閭

謝虞賓信豐人兄弟同居五世食者千餘指士農工賈各事其業每歲穀登必賑給貧交

贛州府志

卷三十二 孝友傳上

三七

吳元字敏集信豐諸生父兄俱早逝依依母側母周氏中年折足越十載復喪明輾轉床簀間痛楚呻吟元撫摩噢咻殫極艱辛揣其意旨先爲承順俾忘視履之艱

謝紹遷字隆爵信豐諸生事親愛慕如孺子洗腆滌滌不屬婢僕親憫其勤命就遠塾紹遷懼重違親意乃負笈從師一夕思定省心怵怵不樂遂歸適母奄病撫床叫呼而紹遷適至自是百計調治衣不解帶及母卒苦塊中鬚髮盡白後遂絕意進取與諸兄弟同築博山書屋以教子弟雍和之氣溢於門庭

施日琮字世珍信豐人幼爲伯母張氏所撫日琮以伯母矢節孤苦乃棄書營養行賈於外貨甫入牙儉家聞母

□疾急馳歸母愈復往收責儉感其誠如數返價弟溺於
飲博日琮泣戒之弟感而易行

胡聖輝信豐人幼習儒業家貧棄學力事蔬圃以養親父
母俱年八十餘沒聖輝亦六十餘親疾朝夕哀禱願減
己算益親壽隣人慰之聖輝泣曰生生世世能復爲父
子母兒耶居喪哀痛自毀旋亦棄世以上俱
信豐志

王爾宣興國人父早逝母患對口瘡痛苦難治乃漱口舐
其膿毒得無恙

廖曰明興國人親老朝夕奉養無難色年二十失倡不再
娶撫幼子力爲諸弟完配興國
志

李得榮字漢威會昌人父早沒衰經草履徧踏山谷營葬

贛州府志

卷三十二 孝友傳上

三八

母性好花木築淡如齋於宅之西偏又爲別墅於黃坊
構花木其中以娛母歲辛卯年已四十母促赴鄉試舉
第三名以母老公車僅一上尤精於醫里人賴以全活
者甚衆年七十三卒

劉光昱字方中會昌人幼端謹醇靜爲世父懋官所鍾愛
懋官貲雄一邑中年尚無子息遂以光昱爲後有某帥
與縣令同鄉利其有誣以販私飭幹役五六人闖其家
手銀鐺索之時懋官危病光昱曰毋驚我父我就逮爲
質至郡下獄貸數百金賄帥事遂寢

胡苦柏字凌叅會昌人幼謹約沈默有心計爲從叔某所
愛撫爲嗣及叔父沒其親屬覬覦厚貲者嫉若柏稍長

更事共譖之別繼逐若柏歸本生父父原抱病甚若柏
跪請曰大人鬱鬱豈非以兒復回之故乎父不言若柏
曰古人牽車服賈爲養兒棄書本質遷逐利爲一家温
飽計亦甚易耳父喜曰吾恐女不肯讓骨月將有終訟
之凶如兒言吾何憂疾遂愈若柏於是用心計治生產
力完子姪婚嫁事以娛悅其親竟致富數萬以上俱會昌志
謝匪千會昌人幼失怙事節母惟謹母卒廬墓三年乾隆
六年捐修富尾橋數百金八年出米五百七十石減價
平糶壬申饑亦如之十九年捐三百金復買田租助興
賢學增新

廖榜龍南人數歲而孤稍長嘗跪叩父遺容求一識生身
贛州府志

卷三十二 孝友傳上

三九

之本一夕見人立燈前如囑咐狀口噤不能言識其形
以白母始知爲父妻徐氏有婦德夫婦孝事寡母三十
餘年得其歡心龍南志

謝孔書字垂萬弟孔鐸字覺萬俱長寧國學生母病兄弟
侍湯藥歷七載如一日父母繼亡哀毀年俱八十餘同
居不忍析箸

劉益彬字白采長寧諸生嫡母梅氏喪明彬日夕舐之年
久復能辨物友於兩弟至老不倦俱長寧志

廖嘉卉龍南人後隸定南少喪父其母痛絕數四嘉卉甫
七齡即能解慰迨分析念兄食指繁與弟僅取田產十
之三以七歸兄人稱其友龍南志

鄭德進興國人父患痢疾醫言不治嘗糞以卜生死及父
沒啜粥三年母病瘡法當灸德進先自灸然後治母
閔紹九興國人九歲喪父母病醫罔效口嘗糞以卜休咎
及母卒廬墓六載知縣黃之麟黃惟桂先後旌其閭
陳章許興國人年十一失怙事母孝母卒負土成墳既葬
擗踊哭泣時大雨浹旬手持一盖宿於墓側族人憐其
貧代爲結廬三年之內織屨餬口乾隆四十二年知縣
以至性肫篤旌之

陳天秀贛縣國學生七世同居男耕讀女紡織各安其業
無有猜嫌爲人正直每出入閭里人雖桀驁不馴見之
亦肅然起敬嘗施藥以救貧病全活甚衆增新

贛州府志

卷三十二 孝友傳上

四十

羅崇儒贛縣國學生孝友耕讀爲業自高曾至元曾七世
同居食指百餘人未嘗析箸事無鉅細悉聽命於崇儒
一家之中尊卑秩然增新

鍾達天贛縣國學生夫婦年皆八十子姪孫曾五世未嘗
異處畊讀各有常業男女內外悉率其教尤慷慨好施
凡有義舉無不首倡子七人三子百川中乾隆庚辰鄉
舉

鍾毓明定南人家貧竭力養親沒守制三年杜門倚廬泣
血滴襟待二弟友愛分產多以腴田讓弟生平樂義好
善出於自然年八十餘卒

歐吉琦會昌人有采子恩貢生父早喪事繼母無間所生

舌耕置產與弟均分族有貧而力學者厚子膏火以成
其學邑東步雲橋塌捐金倡建知縣賓禮之子陽浥入
庠捐租奉祀亦有父風增新

孝友傳下

唐 謝 俊

宋 盧世豪 羅 遜 余孝生 謝孝義

明 曾魯山 張 濂 陳 鑑附弟錠 劉 瑁 李元祺

吳良臣 呂叔素 凌汝祥 王朝綱 劉望雲

劉士鳳 曾君意 林竒生 賴從周 杜 豪

歐陽見龍 劉廷璇 劉載彩 劉萬斌 賴啟深

廖 坤

贛州府志

卷三十二

孝友傳下

四一

國朝劉一文 王 宣 劉可鰲 陳 會 譚聖誥

王 輯 謝春璣 鍾家儒 藍桂遠 羅大宏

鍾萬邦 陸岫凌 李隆音 呂朝勳 劉祥生

胡內蘊 王可俊 李之英 胡維化 李得春

蔡興珂 魏巍第 鍾文燮 曾延學 王國靖

賴竚達 鄺 登 鄺受城

唐

謝俊字朝英贛縣人力耕養親承顏順志親沒負土築墳
廬其側山多猛獸以孝誠所格皆馴伏永泰元年詔旌
其門

宋

盧世豪贛縣人幼有至性竭力事親天聖中母卒廬墓去水道甚遠日汲爲難忽有甘泉湧出其流不絕一日巨蛇入墳俄被震死里人駭異縣令陳廷表其事於石羅遜雩都人父亡以禮殯葬躬持畚鍤荷土爲墳廬其側朝夕哭踊若新喪每奠哀聲振山谷蔬食水飲三年縣令式其廬

余孝生雩都人紹興間父病危諸醫計窮憂痛無措割股肉以進父食之而愈

謝孝義失其名雩都人母嫠居守節疾甚孝義刲肝以進疾遂瘳鄉人狀其事於郡時提刑留筠攝郡事給以錢米榜其居曰孝義之門

贛州府志

卷三十二 孝友傳下

四二

謝詔曰謝孝義刲肝療母事不可爲訓在令甲如此類者亦不與旌即前史列孝行多端未聞有割股廬墓事末世乃有之特以較不侍湯藥與不執喪禮者爲賢故孝之名歸焉爾非謂必廬之割之而始可以孝稱也夫墓之攀號孰與廷之定省股之割割孰與藥之親嘗此常道也人人所易盡者不爲其易而爲其難果無意乎抑有意乎故曰中庸不可能也

明

曾魯山贛縣人元時舉孝廉嘗官於潮親終廬墓有雉馴伏墓間環山松盡蠹魯山所樹獨榮人以爲孝感自此絕意仕進明高帝遣將略定南服當事者過贛強起之

魯山辭不克即日就遺南中聞其至率先歸歛以功摺
守潮州志謝

張濂贛縣人父德堯年八十四病將革濂焚香告天割股
和藥以進病隨愈壽至九十有二知縣莊尹辰上其行
於巡撫都御史旌之曰孝冠百行

陳鑑陳錠俱贛縣人積瓊子鑑母劉氏卒廬於墓夜依墓
宿晨視父膳積瓊繼娶盧氏生錠盧病乏乳鑑令婦乳
之及父與繼母卒兄弟俱廬墓鑑生三子錠一子錠竟
四分其產以其三付鑑三子而以一付己子至今子孫
猶遵其訓凡所遺祀田俱以四分遞掌無異議

劉瑁字輯瑞雩都人父沒廬墓三年淒風苦雪夜半猶聞
贛州府志 卷三十二 孝友傳下 四三
哭泣聲提學邵寶檄有司問慰母沒亦如之竟以哀傷
死都御史王守仁檄知縣嚴鑿祭其墓親題孝子門旌
之

李元祺字承吉信豐人八齡失父竭力事母母卒廬墓三
年鄉老上其事於縣卒年八十三羅倫有贊

吳良臣信豐人親死廬墓三年

呂叔素興國人太常少卿復子父母沒叔素偕弟叔熙叔
寅俱廬墓時有感召里人共詫爲異縣丞劉誠忠上其
事詔旌之復其家

凌汝祥興國人少孤貧力畊養母母沒廬於墓啜粥飲水
以毀瘠死

王朝綱興國人祖父喪守靈凡三年後居祖母曾氏喪廬於墓側嘉靖十三年有司上其事詔旌之仍復其家

劉望雲興國人力耕事親母病篤割股爲藥飼母得痊

劉士鳳興國人母病將危割左股煮羹將熟忽仆地家人救之得活母病亦間

曾君意興國人崇正辛未母病割股療之後三年母沒廬於墓夜有叩門者君意啟戶則寂然終不爲撼三年乃歸年七十八而卒

林竒生安遠人父大綸嘉靖間任雲南府經歷得危疾竒生禱天割股父卒萬里還櫬廬墓三年母卒廬墓如前

賴從周安遠人三歲失父母病求醫無效呼天泣禱母死

贛州府志

卷三十二 孝友傳下

四四

哀毀廬墓三年賜坊旌曰敦孝

杜豪字邦傑安遠諸生弱冠就省試父沒痛未親含殮廬墓所母終廬墓如前督撫吳百朋表其閭

歐陽見龍安遠人幼喪父年六十餘喪母思慕如初廬墓三年

劉廷璇長寧人父早喪母范氏遺腹生璇母卒廬墓三年

劉載彩長寧人母成龜瘕疾需食肉家貧不能致割股以進母病頓愈縣府每春秋二祀咸致載彩胙名孝子胙

劉萬斌長寧人母李氏卒廬墓三年

賴啟深龍南人後隸定南親沒廬墓三年

廖坤龍南人後隸定南隆慶三年任岑溪縣義平司巡檢

以母李氏年老致仕歸養萬歷元年母喪廬墓三年
國朝

劉一文贛縣人父石塘早逝廬墓三年鞠二幼弟婚教備
至長而析產推肥就瘠

王宣贛縣人割股療親事聞三院揭孝行棹楔旌其門
劉可鰲贛縣人家貧傭工養母一日心痛奔歸省母母病
篤諸藥不效鰲割股和藥服之病遂愈

陳會贛縣廩生大鵬子母林氏病失血會率其弟峒臺妃
侍奉寢不解衣者五載及沒廬墓側兄弟同卧起祖母
卒父亦哀痛咯血會與峒仍守母墓分臺與妃侍父人
稱一門四孝

贛州府志

卷三十二 孝友傳下

四五

譚聖誥贛縣人年十九喪父卜葬義猿洞谷中結六尺廬
於墓側獨居三年及母卒合葬亦如之乾隆三年旌表
王輯贛縣諸生幼失怙母居孀三十九年卒歸窆時即於
墓側露宿家人爲結茅以居一日晨興無火遂斷炊山
下二里許有謝元光者家犬薄暮忽號入復出者數四
主人跡之犬直入輯廬元光亦入見輯端坐凄慘問曰
先生哺食否輯應以無火犬乃搖尾擲躅元光悟曰犬
引我來爲先生斷炊故也因感其孝時使人賑其缺乏
居廬三年年五十而卒

謝春璣贛縣人父手足痿痺每飲食春璣代持箸出入則
負之母劉氏患氣痛刺血繕疏禱於神疾果愈越數年

父母俱喪廬墓三年

鍾家儒贛縣人弱齡喪父母患目以舌舐之致明又患足日負之巡遊庭戶以適其意及卒廬墓側

藍桂遠贛縣人早喪父竭力事母母卒葬扶柩至墓不復歸廬處墓所未嘗茹葷年五十以不勝喪病卒

羅大宏贛縣國學生父美璠喜施與力不能支曲爲遂之父卒結茆守墓三年不忍離墓知縣禮迎至學宮剃頭固辭不赴年六十卒

鍾萬邦信豐人母死既葬宿於墓側父命之歸終三年喪不入私室

陸岫凌信豐人嘗訓蒙於鄉聞父病亟歸父死構草舍於

贛州府志

卷三十二 孝友傳下

四六

墓側終三年喪

李隆音信豐人年十五父病幾危醫無可治密禱於神割股和藥以進父病即愈

呂朝勳字增煌興國人太素孫生母早卒事繼母能得懽心繼母沒父病禱天持素十年父逾八十而終既葬廬墓三年乾隆六年旌表

劉祥生興國人父與伯兄早逝次兄服賈遠方祥生及冠未婚母晚年喪明奉侍十數年母沒廬墓將終以疾卒於廬

胡內蘊興國人母病醫言不起割股以進尋愈母沒結廬墓側織履易食六年乃歸

王可俊字偉人興國人父思安死朔望倚墓哀號乾隆戊辰母劉氏沒廬墓三年

李之英字崇我會昌諸生居父母喪葬後廬於墓側終身不歸及老病子孫繞膝以請始興疾卒於家

胡維化字宣敷會昌人年近五十父若材母傅氏相繼而亡及葬結廬墓側六年若將終身親族以禮貴得中過則近名責之始歸

李得春會昌人業賈母病篤割股以進母病遂愈

蔡興珂安遠人順治間廣寇作亂父母病不能行同妻鍾氏負父母以逃及親沒廬墓終制

魏巍第字然捷安遠諸生親沒廬墓三年

贛州府志

卷三十二 孝友傳下

四七

鍾文燮字亨文安遠諸生父病沒廬墓三年兄弟析居貲產相讓

曾延學字柳衣安遠國學生母早逝父病延學奉侍兩載沒廬墓三年後分居貲產聽諸弟自擇

王國靖龍南人家貧父病劇醫云不治顛天割左股密烹以進父病忽愈越數日乃卒

賴竚達字濟斯龍南諸生父母沒俱廬墓三年嘗以三子幹揚繼亡弟後不受繼產即以均分兩弟雍正丙午饑捐米三百石賑濟

鄺登字及三長寧諸生母卒廬墓三年

鄺受城字孟玉長寧諸生父早卒孝事母曹氏母死廬墓

三年

論曰謝志於孝友傳間舉一二愚賤小夫義門累世爲之闡發其自然之天性而不取剖肝剔股廬墓之行豈非以割裂肢體既傷父母之心廬處墓阡雖人道曠絕無益父母之生死徒爲是矯情干名之舉哉然仍書於冊而不削者亦以古人誼有偏至或迫於一念樸誠莫知其然而然其愚爲不可及耳故明著其事不沒其實而教後世以中庸不可能依乎中庸仍不失爲孝友甚不可徒以事親從兄爲市名之具也讀是志者明於謝桓愨之旨叅之今所區別孝友之人若某某之愚賤小夫而率性行之如彼某某之

贛州府志

卷三十二 孝友傳下

四八

累世義門而同居聯之如此皆人人所與知與能而達之天下者也不偏不倚之謂中不易之謂庸推諸聖人孝弟之至通於神明又孰非庸德庸行也歟
寧都三州縣附

忠義

馮祥興雩都之象湖鎮人後分隸瑞金與二弟祥正祥非皆武勇尚義唐廣明間黃巢陷長安傾貲募兵勤王二弟沒於陣祥興累功爲將軍詔遣歸圖盧光稠及境光稠陰遣人刺殺之投屍羅溪數月不流因旱遺骸露猶有生氣人神之葬於溪南復爲立祠

張志

廖偃虔化人祖爽父口圖仕皆至刺史偃少儻喜竒節

通左氏春秋班固漢書五代時馬殷有國自秘書郎爲
裨將戍衡山殷子希萼與弟希崇爭國希崇命將彭師
曷幽希萼於衡山使甘心焉師曷不忍與偃護視甚謹
遂築行府奉希萼爲衡山王臣於南唐元宗元宗爲出
師定楚亂盡遷馬氏之族於金陵封希萼楚王居洪州
希萼入朝兩人從元宗召見嘆獎之援偃左殿直軍使
萊州刺史師曷殿直都虞侯而使偃守道州以備南漢
曾明州叛潭州亦潰偃所部多潭人中夜作亂偃率親
卒力戰不能支罵而死下制哀悼贈右領衛大將軍寧
州刺史謚曰節五代史江表志
國春秋合輯

吳任臣曰彭師曷廖偃之事言人人殊江表志則云

贛州府志

卷三十二 忠義

四九

師曷且從希崇指害恭孝王賴偃衛之而寢其謀五
代史則謂希崇遣師曷與偃囚恭孝王而師曷奉之
衡山竟不言偃功惟十國紀年及陸氏南唐書稱師
曷偃同心推戴而唐保大時豐城令劉虛己亦嘗移
書史館明偃大節要之兩人皆忠於故君而偃功爲
多固不可沒也嗚呼史之傳譌失實獨兩人事已哉
胡埜字德林寧都人師事孫立節居喪廬墓哀毀盡禮與
立節子勰同業太學念兄老歸侍開義館長春谷號長
春居士延名士教族之子弟周急恤憐如恐弗及大觀
中舉八行政和八年登進士歷鄧州教授改婺州方寇
陷城舉家被害事聞官其二從子謝志

劉舉夔瑞金人鵬子以特恩補北靖州知州靖康中州陷於金舉夔被執不屈潛以蠟書達朝廷報敵虛實且勸進取恢復時秦檜主和議匿不以聞反致其書於金遂遇害

劉十六郎瑞金人宋建炎中峒寇李鐵面擾贛岳飛奉詔討賊十六郎昆弟三人集義勇屢立戰功俱沒於陣飛以聞詔官立祠祀之

陳睦字和卿寧都人草寇掠其家執爲謀主睦責以大義賊怒以刀加其頸終不屈遇害

以上俱張志

陳繼周字碩卿寧都人宋嘉熙庚子舉解試司法濂州淳祐中歷知衡陽辟江東提點刑獄未赴因寓郡城咸淳

贛州府志

卷三十二 忠義

五十

十年詔下勤王時文天祥守贛造門問計繼周具言閭里豪傑與起兵方畧甚辯於是留置幕中授江西安撫司準備差遣天祥之臨安繼周率贛義士歐陽冠侯等二十三家長子太學生逢父次子榘以從至京差充江淞制置司主管機宜逢父曾以所部夜襲元兵於南柵門殺傷相當後天祥使北營有旨罷兵繼周父子領衆歸則贛已失守矣繼周仍伏田間以兵屯待時大舉景炎初以繼周知南安軍贛總管楊仔襲執繼周殺之并殺逢父事聞贈繼周敷文閣待制謚忠節立廟贛州榘從天祥於江嶺間數載竟死潮陽天祥特爲狀其貴事傳世

尹玉寧都人素驍勇敢戰以備盜功授贛三砦巡檢從文天祥勤王至平江元兵已發金陵入常州矣朝廷遣張全將淮兵來援天祥遣玉并朱華麻士龍領三千人從之至虞橋士龍戰死朱華以廣軍戰五木敗績至晚北兵繞山後薄贛軍諸將皆遁全擁軍隔岸不救玉以殘軍五百獨當其鋒一夕手殺數十人身集矢如蝟遂被殺其麾下俱戰死無一降者僅四人脫歸事聞贈濠州團練使立廟五木并贛州官其二子爲承節郎賜良田二百畝卹其家天祥過五木以詩哭之

以上俱寧都志

陳琚字奉先寧都人敏曾孫倜儻有英槩仕至襄陽帥府法簡咸淳癸酉春呂文煥以襄陽降元琚諍之弗得阿

贛州府志

卷三十二 忠義

五一

術兵入城琚率子學文妻劉氏偕死焉

張志

陳瓊字昭先琚之弟授懷仁令振廢弛拊瘡痍德祐己亥春元兵壓安慶路守者風靡懷仁城陷瓊偕妻死之

張志

曾逢龍字槐甫寧都人開慶元年進士咸淳末爲新會令有古循良風生平以節槩自許景炎元年元將李師夔遣招討黃世雄攻廣州通判李性道以城降受官爵已而連韶諸郡皆降制置使趙潛舉義莞東人熊飛以兵應之復韶州舉逢龍爲韶州判將兵與飛合復廣州殺性道走世雄師夔復大舉入南雄潛使將校劉自立守韶而遣龍逢與飛往禦之龍逢力戰潰乃雉經旗下詔

贈龍圖閣學士

寧都志

陳蒲塘寧都人與歐陽冠侯等凡二十三家起義助文天祥天祥有手帖寄黃伯正謂興言二十三家之起義者不禁爲之哽涕爲蒲塘作誌銘宋集學士

溫熙登寧都人元延祐己卯蔡五九之亂勇敢先登中流矢死贈千戶張志

孫民憲寧都人至正壬辰紅巾賊起奉檄領民丁攻油寨沒於陣有溫致中者同戰死張志

管貞字源清寧都人洪武辛亥進士授陽穀縣丞寇至竭力禦之被執罵賊而死張志

尹詔字蘭渚石城人崇正乙亥貢廷試第一授推官初除衡州尋改永州有賢明聲擢兵部車駕主事時秦寇猖

贛州府志

卷三十二 忠義

五二

獬詔陳言忤時相譴歸甲中之變不食卒石城志

國朝

謝長震瑞金諸生性剛方遇亂爲賊所執威辱百端不屈而死長汀黎士宏作義烈傳張志

孝友

龔彭壽字彥宏瑞金人深於易學及門嘗數十人紹興中流賊犯境母老病不能走避彭壽守母賊來願代母死哀號不忍聞賊委之而去子母得全張志

廖人俊寧都人元末父死於寇母亦被擄人俊方七歲既長日夕籲天願知父骨所在久之若有指導之者竟得於叢塚間收而瘞之又聞母在滄州復徒步往求至則

物故矣乃刻母像歸拊父塚祖母陳氏孀居七十一年
壽九十有九詔旌其門曰孝節張志
曾廷襄寧都諸生居母喪三年不入內諱日輒水漿不入
口嘗教授山中夢一死者折簡相招遂散遣生徒治裝
嫁女尅期而卒

邱如泰字東邱寧都人郡廩生僉事一鵬季子也幼孤父
以廉聞天下母病醫言糞苦可治如泰嘗糞不苦撫膺
大痛母竟愈年至七十卒居喪哀毀踰禮兄尤貧減家
食分給之曰饑飽同爾長於詩古文

魏兆鳳字聖期寧都人少以孝聞弱冠時父遊南太學病
耗至或爲涓日兆鳳曰焉有聞父病而卜吉日者乎即

贛州府志

卷三十二 孝友

五三

日行居親喪哀毀行古禮嘗予貸以葬高曾子孫之暴
露者贖宗子於人立祭祀品式器用飲食皆有法宗子
五世单傳貧不能娶兆鳳爲之定婚授宅又爲鄉人葬
死救患營橋梁道路閩人張耆鬻其妻而給爲妹始至
有蹙容喆得故立歸其妻鄒文清以訟論徒將嫁妻爲
贖知其非罪出金與償更資給歸之崇正初詔舉孝友
廉潔學使陳懋德巡按葉成章先後以其名應皆不就
人呼爲魏徵君三子皆有文行稱於時

曾忠字清輔寧都諸生母病廢忠護起居歷久不衰夜火
起中廳忠驚起入烈焰中救母妻楊氏抱子相隨救夫
皆焚死明日衆臨觀輦除瓦石得其屍忠負母於皆口

妾旁跪護之莫不驚嘆知縣葉向榮親視報奏會變故
事寢

魏 曰古初伏棺捍火而火滅忠焚死乃及其子酷
已豈天道耶烈火所加慮無不焦糜而忠妻妾形完
具背負跪如未死時以顯示衆人嗚呼豈非天道耶
劉贊岳字時嵩瑞金人宏治乙丑流賊破城隨父出逃賊
執其父贊岳時年十一以身蔽父哭曰寧殺我無殺父
賊索財以贖父岳奔還家已掠盡不知母逃何地復號
奔往視其父中途拾一金簪餽賊賊憐而釋之嘉靖八
年知縣林椿申詳旌表

曾庸寧都人親沒廬墓三年人呼其處爲孝思莊

贛州府志

卷三十二 孝友

五四

曾柏字崇介寧都諸生父沒廬墓母喪亦如之友愛二兄
事聞旌表

溫元溼字練川寧都諸生居喪廬墓有枯竹再生芝草軼
出之異院道旌獎

盧大業字秉起寧都人仕金山衛經歷母喪廬墓三年
朱鑑字廷佐瑞金人推官璣子母郭氏遘疾鑑割股肉置
藥中飲之而愈父母俱壽終鑑廬墓三年
廖美玉瑞金人母病割股和藥以進母遂痊

謝命爵端金人父爲人所殺命爵欲出身格鬪族人以衆
寡不敵止之泣血拊心設計竟致讐人於法當饑饉人
食糠粃走數十里外負米供母偶遠客吉州夜夢母告

以病遂兼程歸得侍藥三日竟送母終

賴德經瑞金人週歲而孤事母孝母沒殯在堂洪水驟至經取木爲桴移母柩其上縛己身於柩願與同沒水退得全隆慶六年知縣呂若愚書純孝旌其門

謝仕蘭瑞金人早孤事母孝家養一牛寄於武陽嶼田居偶載穀出糶舟至雩都聞母病即棄舟馳歸及武陽嶼日已晡矣見一虎咆哮而來驚走倉卒中有牛奔至與虎力鬪而死仕蘭得免旦視之則前寄養之牛也人以為牛誠義矣即仕蘭之孝亦有徵云

黃用見石城人居父母喪廬墓三年嘉靖乙酉舉孝子旌表

贛州府志

卷三十二 孝友

五五

熊麻石城人嘉靖四十年寇亂父理爲賊執麻奔入賊營願以身代父子皆見殺僕恩就賊丐二王屍賊義許之負屍歸塋

溫伯瑞石城人母早沒父爲怨家誣訐坐大辟伯瑞年九歲日夜號哭有客聞而心傷之攜之入京奏父冤狀聞關萬里卒出父於獄怡怡色養以壽終邑大夫廉其孝行賓禮之年九十二卒

熊夢良石城人事繼母溫氏無間所生出入必告醫藥必親嘗既沒哀痛迫切人以王祥稱之

陳濟八瑞金人萬歷間母湯氏病甚濟八求醫療治罔效夜半顛天割股和藥以進母病頓愈

陳練字正純石城諸生父老病練出入翼之以行善事繼母庶母撫異母弟如同母喜吟咏知縣黃廷鳳讀其詩而善之

陳綱號月塘弟績號鹹泉石城人兄弟同服食四十餘年父遺產三百餘石兄弟交讓卒授之妹父有遺金初迷其藏一日綱得之私室不啟同弟發之績曰金藏兄室父之默予兄者也兄弟交讓卒均取之後績貧綱復以私產飲助

周海號滄州石城選貢性孝友處兄弟至和人有談兄弟異居之便者答曰胞可同乳可司居獨不可同乎

黃表字廷詔石城諸生幼孤母孀居表感憤力學求承其

贛州府志

卷三十二 孝友

五六

歡母死喪祭盡禮每忌日閉戶哭盡哀

彭□鎡寧都人母病瀕危割股食之母尋瘳張以上俱志

陳福朗字伯明石城人家赤貧母病篤思肉食不得割股奉之以掌焚香哀禱七日母病竟愈後居喪素食三年楊文徵字夢圖寧都諸生嘗推產入大宗祠又專爲祠田祀其叔燧燧以明經殉國難者也文徵與兄某異所出事之逾恭其没也持母服未終囑子良肱以衰經殮邑人魏某誌其墓

溫菖字引年寧都人以父死於亂居常鬱鬱作孤兒行一篇嘗造寧化省父友李元仲元仲每置酒設劇召賓客邀菖共坐菖無所避然竟不一觀或聞之寄以詩曰昨

日寧陽傳孝子十年歌舞不曾聽

張志

魏世傑字興士寧都諸生少朗悟有志操父際瑞爲韓大任所害徒步迎喪至家拔佩刀自刎左右強持之遂日夜椎胸血下腹痛僂不能立呼號二十日而死時年三十三

朱天宿字公曜瑞金諸生避亂陳石砦砦破叔父弟妹皆死於兵天宿葬死扶傷備嘗艱苦值歲饑竭力以養王母及母亂平訪得從弟二人歸叔父所遺業分毫不私嘗蘓族中里遞之苦二子愈齡鶴齡皆有文名

朱明瑞瑞金人年十五父榮盛被誣下獄赴闕搥登聞鼓鳴冤竟脫父厄父没事繼母孝幼弟早逝撫從子三人

贛州府志

卷三十二 孝友

五七

與子均分己產

鄧斗光石城諸生順治丙戌父爲寇所執斗光兄弟乞以身代寇憫其孝舍之康熙初徵遺逸邑令推之不赴

溫自厚石城人順治己丑流賊張自盛破城父廷元被執自厚詣營哀泣願以身代賊感其誠并貫之

以上俱張志